

Ham ot honó kióttú KOVID-19 tákile ki goribó

Zodi ham ot honó kióttú KOVID-19 tákile, yáto hían ór sámna óiyedé óile, tuñáttu fúurón lamar kodom ókkol mara foribó. Hítarattú KOVID-19 asé hói konfám óibólla entezar gorí notáikkó.

Maalumat yaan óiye dé tuñáre ham or zagat modot goribólla. Albottá, tuñáttu hámicá [raizzo yá elakar umumi sehét dhipármén \(state or territory public health department\)](#) or nosiyot manaforibó.

Zodi ekzon manúic óttu hótórnak alamot ókkol táké zeén neki niyác félaité mockil, 000 ré koól goró.

1. Manúic gwá ré alog gorifélo

Manúic gwá ré oinno zon ottú alog gorifélo. Hítáraré adde hítáraré modot gorér dé honó manúic óre munaséb zaati rukóoni sámán ó tuñáttu diyaforibó, zeén neki félai diyazade dhakthori mask adde hát sáf goróoni.

2. Mocwara soó ar hótórá ré andaza lago

Tuñár [raizzo yá elakar modotlain \(state or territory helpline\)](#), yá Koumi Korunaváires Modotlain (1800 020 080) ottú córhári sehéti mocwara soó

Manúic gwár talluk or tofsil ókkol tuñáttu asé dé hían yekini bano. Ham or zagat hítára giíl dé zaga ókkol, hon manúic loi hítára dhák óttu milzúl goijjé, ar hótúun deri accíl thukkai rakó, taáke oinno zon ollá hótóra ókkol ór babote adde sáf gorá adde fuk mara foribó dé zaga ókkol ór babote tuñáre zanai dibollá.

Tuñár [raizzo yá elakat ham or sehét adde sólámotir niyom banoiya \(state or territory work health and safety regulator\)](#) ré tuñáttu zanai diya yó foribó.

3. Aázá gorár usíla

Fakka óo dé ki manúic gwá ttú hítárar gór ot zaibar usíla, héçe alog rakíbar ekkán zaga, yáto zodi dorihari óile ekkán elaji cúzúkcúidat zaibar usíla asé. Zeçé mumken, hítárarattú ekkán nizor zaati andaz or aázár usíla estemal goróonsá, oinno zon or sámna óon gán óre homaibólla.

4. Sá f goró ar fuk maro

Manúic gwá estemal gojjíl dé zaga ókkol óre bon goríféló, híin óre sáf gorí fuk maraza fujjonto. Háwár solasol baráibólla baárgwá dorza ókkol ar kírkíri ókkol kúlído, zodi mumken.

Manúic gwá ye estemal gojjé dé zaga ókkol ar sámán ókkol óre sáf gorát ar fuk marat tákó, zeén neki ofís ókkol, gusól háná ókkol, fak-gór ókkol adde aam zaga ókkol.

Sáf goróiya ókkol óttu munaséb zaati rukóoni sámán findá foirbó, mesál mouza ókkol, cocmá ókkol félaidiyazade kurta.

5. Dhák óttu milzúl goróiya ókkol óre foriso goró ar hoídó

Ekkán yekini KOVID-19 mosólar dhák óttu milzúl goróiya ókkol óre raizzo yá elakar umumi sehét ofís óttu foriso goríbó ar hítáráttú ki gorá foribó hoídibo.

Ham or zagat manúic gwá ye harhar loi dhák óttu milzúl gojjé, ar hotúun deri gojjé, ar dhák óttu milzúl goróiya ókkol ham or zagat hoçé hoçé accíil tuwai neelo.

Oinno zon ollá hotóra ókkol ór babote adde battí zaga ókkol zíin óre sáf gorí fuk mara foribó híin ór babote yaán é tuñáre zanai dibo.

6. Hótórá ré entezam gorár kabu ókkol óre duarai soó

Tuñár ham goróiya ókkol loi biyasana gorí tuñár KOVID-19 ór hótórar entezam or kabu ókkol óre duarai soó ar tobdili ókkol zoruri óiye né anzada lago.

Manúic zibár babote tuñáttu sinta asé híba zehón jaar bútóre tuñár ham or zagat accíl, toíle mara foribó dé kodom ókkol

Ekzon manúic zibá jaar bútóre tuñár ham or zagat accíl, zeén neki ekzon hammwa yáto gaák, híbattú tuñáre zanaidoonsá dé hítáráttú KOVID-19 asé. Hoddúr hédinná hítára tuñár ham or zagat accíl dé ar hítáráttú oinno zon loi dhák óttu milzúl óoilné etebar gorísoó.

Zodiyó hítára yaar bütóre tuñár ham or zagat no-accíl, toó tuñáttu uoror kodom ókkol luafaribó. Tuñár [raizzo yá elakar modotlain \(state or territory helpline\)](#) óttu mocwara soó.

Añár ham or zaga añáttú bon gorá foribó néki?

Ekkán konfám óiyá yáto cubá goijjá KOVID-19 or baade honó hotá sára bon gorár zorurot náí. Hían zoruri no-óitfare zodi manúic gwá ye tuñár ham or zagar kessú híssar ziyarot goijjé dé óile, yáto zodi sehét ofísíel ókkol é oinno zon sámna óibar hótár hom boli hoilé.

Tuñár ham or zaga bon gorá foribó né hódde hían or darmudar hodín hotár uore zeén neki ham or sáiz, ham or tobiyot, manúic or gonti adde váires ór cubá óiye dé zaga ókkol.

Céfa ói yáto juda tákí baade ham goróiya ókkol hoñótte ham ot wafes aáifaribó?

Ham goróiya ókkol zetará ré KOVID-19 theés ot dórá háí baade juda ráká giíl hítára ham ot aáifaribó siróf zehón hítára fura céfa óibó ar sehét ofísíel ókkol é sófáyi dibo.

Ham goróiya ókkol zetaráttu juda tákár wóktót alamot ókkol zahér nóiyó hítára ham ot aáifaribó zehón hítára 14-din miyad fura goribó. Ham ot wafes aibólla hítarattú elaji sófáyi nolagibó.

Aró Maalumat

Aró maalumat ollá, zaisó eçé: [Maháfuz Ham Australiar Websófá \(Safe Work Australia website\)](#).